



UNIVERSITÄTS-
BIBLIOTHEK
PADERBORN

**Commentarivs Pavli Bernriedensis, Antiqvi Scriptoris, De
Vita Gregorii VII. Pontif. Max.**

Paulus <Bernriedensis>

Ingolstadii, 1610

XIII. Epistola Ludouici Iunioris Imperatoris ad Basilium Imperatorem
Constantinopolitanum.

[urn:nbn:de:hbz:466:1-65381](https://nbn-resolving.de/urn:nbn:de:hbz:466:1-65381)

CAPVT XIII.

*Epistola Ludouici Junioris Imp. ad Basiliū
Imp. Constantinopolitanum.*

BXSTAT Tom. io. Illustrissimi Baronij Anno Remptoris DCCC. LXXI. N. 50. & seqq. Excuius aureis monumentis eam Calvinista in suas Volusianas chartas transcripsit.

Diximus in defensione libri primi de Translatione Imperij, cap. ii. Græcos non tribuisse vel ægrè admodum, Imperatoribus occidentis nomen βασιλεως, sed solum modo ῥητος nominasse, latino nomine Græca vestiuncto. Cum ergo Basilius Mædo Ludouicum Iuniorē monuisset, ut ab Imperatoris seu βασιλεως appellatione abstineret; hanc ad eum Ludouicus Epistolam dedit, quæ lectu dignissima est; Ex qua capita duntaxat enotabo.

I. Dicit Ludouicus Imp. Apud nos multa lectas sunt, multa quidem indefessè leguntur, nunquā tamen inuenimus terminos positos, aut formas, aut præcepta prolata, neminem appellandum B A S I L E A, nisi eum, quem in urbe Constantinopolis Imperij tenere gubernacula contigisset, cum gentium singularum monumentis interim postpositis, sacra & nobis affluenter historiam monstrarent, plurimos fuisse Basileos nuncupatos, & non solum electos quoque, quales fuere Melchisedech, & Dauid, verum etiam reprobos, quales primores Assyriorum, AEgyptiorum, Moabitarum, & ceterarum nationum, quas enumerare longum est, extitisse probantur.

II. Frustra ergo negat Constantinopolitanus Imp. alios præter se Basileos appellandos, nisi forte radendos ducat

l. rotius

totius codices mundi, in quibus panè cunctarum gentiū Principes, à priscis temporibus, & deinceps, Basilei inueniantur scripti. Et certè ut de Latinis codicibus interim taceamus, si Gracos, & nouiter editos reuelatas codices, inuenies proculdubio plurimos tali nomine vocitatos, & non solum Gracorum, sed & Persarum, Epirotarum, Indorum, Bithyniensium, Parthorum, Armeniorum, Saracenorum, AEthiopum, VVandalorum, & Gothorum, & aliarum gentium Pralatos, Basileorum appellatione veneratos.

III. Intuere ergo, Frater, inquit Ludouicus, & considera, quod multifuerunt, qui Basilei diuersis temporibus, & in diuersis locis, & nationibus nuncupati sunt, vel hactenus nuncupentur; & noli vel nobis, quod dicimur, inuidere; vel, tibi singulariter usurpare, quod non solum nobiscum, sed & cum pluribus Praepositis aliarum gentium possides. Graue namque vitium est, singularis dignitatis fastigium, quod qui in principio ambierit, quid ei ambiendo talia, contigerit, commemorare nolumus; ne fraternitas tua commemoratum ad iniuriam suam existimet.

IV. Illud ridere libuit, quod de Imperatoris nomine dixisti: neg_s paternum esse, neg_s genti conuenire. Quomodo enim paternum non est, quod iam in aeo nostro paternū fuit? Quomodo autem genti non conuenit, cum sciamus, (ut de ceteris breuitatis causa taceamus) ex Hispanorum, Iſaurorum, & Caſarorum gente Imperatores Romanos effectos? Neg_s, enim veraciter assuerabis nationes has gente Francorum, aut religione, aut virtutibus clariores, & tamen admittere non renuis Imperatores, & eos praedicare non despicias.

V. Mirari se dilecta fraternitas tua significat, quod non Francorum, sed Romanorum Imperator appellemus: sed, scire te conuenit; quia, nisi Romanorum Imperator essemus, utique nec Francorum. A Romanis enim hoc nomen, & dignitatem assum-

assump̄simus, apud quos profectō primō tante culmen sublimi-
tatis, & appellationis effulgit, quorumq; gentē, & Vrbem diui-
nitus gubernandā, & matrē omnium Ecclesiarū D e i defen-
dendā, atq; sublimandā suscepimus, ex qua & regnandi prius,
& postmodū imperandi auctoritatē pro sapientia nostrā seminariū
sump̄sit. Nam, Francorū Principes, primō Reges, deinde vero
Imperatores dicti sunt, q̄ duntaxat, qui à Romano Pontifice
ad hoc oleo sancto perfusi sunt; in qua etiam Carolus Magnus
ab aliis noster unctio eiusmodi per summum Pontificem de-
libutus, primus ex gente, & genealogia nostra, pietate in eo
abundante, & Imperator dictus, & Christus Dominus factus est.
Præsertim cum tales sape ad Imperiū sint adsciti, qui nulla di-
uina operatione per Pontificum ministerium, propositi solū à
senatu, & populo, nihil horum curantibus, Imperatoria digni-
tate potiti sunt; non nulli verò nec sic, sed tantum à militibus
sunt clamati, & in Imperio stabiliti sunt, ita ut etiam eorum
quidam à fæminis, quidam autem aut hoc, aut alio modo ad
Imperiū Romanisceptra promoti sint.

Obserua hic Ludouicū fateri, Imperiū ad Carolum
Magnū venisse per Romanū Pontificē; Et Imperatore
non dici nisi à Romano Pōtifice inunctos. Quod & su-
pra testatus est his verbis. Ipsi Patrui nostri, glorioſi Reges,
absq; inuidia Imperatorem nos vocitant, & Imperatorem esse
procul dubio fatentur, non profectō ad atatem, qua nobis ma-
iores sunt, attendentes, sed ad unctionem & sacrationem, quæ
per summi Pontificis manus impositionem, diuinitus sumus ad
hoc culmen prouecti, &c.

VI. Qui Riga quenquam appellat, quid dicat, nec ipse no-
uit. Siquidem etiam si linguis omnibus, more Apostolorum,
imō Angelorum loquaris, cuius lingua sit Riga, cui dignitati
sonus ille barbarus congruit, quod Rex dicitur, interpretari
non poteris. Nihil enim fortè ad idioma propriæ linguae, tra-
elum Riga, Regem significare monstraueris. Quod si ita est,

quia non iam Barbarum, sed Latinum est, oportet, ut cum ad manus vestras peruererit, in linguam vestram fideli translatione vertatur. Quod si factum fuerit, quid aliud, nisi hoc nomine Basileus interpretabitur? Quod non solum veteris, sed & noui Testamenti omnes interpretes attestantur. Vnde, si in alienis personis hoc detestaris vocabulum, stude ex omnibus tam Latinis librīs, quam Gracis, siue Regis, siue Basilei, non men eradere. Hac ex Epistola Ludouici Imp. ad Basiliū Macedonem Lectoribus degustanda apponere placuit. Quis autem non miretur, Caluinistam hīc adeo fuisse destitutum, vt nesciret, quid sit in ista Epistola *Protosymbolus*; quo nomine Arabum Principem indigari, scriperat Basilius. Verē an falsō, non dispiuto. Certè *Protosymbolus*, nihil aliud est, quam πεωπούμελος, primus consiliarius. Qui in consilio primas tenet. Chalendina libenter Crisi sua Circæa transformaret in Clabendina. Sed frustra, nam quæ hīc vocantur Chalendina, certi generis nauigia, ea à Ioanne Papa Epist. 46. appellantur Achelandia. Ut decem bona & expedita Achelandia ad portum nostrum transmittas, ad littora nostra de illis furibus & piratis Arabibus expurganda. Luitprandus lib. 5. cap. 6. nominat Chelandria. Alij, Chelandia. Abeat igitur Criticus noster, quo pedes rapient & auræ cum suis Caravellis, clabulis seu clauulis, & clabulari cursu. In eadem Ioannis Papæ VIII. Epistola, usurpatur vox Sagenæ, alioquin nassam significans, pro naui. Agarenorum Sagenæ occultū irruptionibus littora nostra deuastant. In vita S. Henrici Imperatoris, accipitur propiscationibus seu piscinis.



CAPVT